



Indgået

18 SEP. 2018

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

Inatsisartunut ilaasortaq
Emanuel Nūko
Partii Naleraq
Bureau for Inatsisartut
/Her

**§ 37 nr. 234-2018-imut Tasiilaq kommunitut namminersortutut
apeqqummut akissuteqaat**

18-09-2018
Sags nr. 2018 - 18202

Box 930
3900 Nuuk
Tlf. (+299) 34 68 00
Fax (+299) 32 43 02
E-mail: asnnn@nanoq.gl
www.nanoq.gl

Asasara Emanuel Nūko

Qujanaq apeqqummut § 37 immikkoortoq 1 Inatsisartunut Inatsisartut suleriaasiat naapertorlugu ulloq 4. september 2018 nassiussannut. Tasiilap kommunitut namminersortutut ingerlalissagaluarpat qanoq aningaasartuutaanissaa pillugu Inatsisartunut apeqqutigisimavat. Apeqqutillu uannit akisussannagortinneqarsimapput.

**Apeqqut siullesq. Aningaasartuutit suussappat, Tasiilaq kommunitut
namminersortutut ingerlalissagaluarpat?**

Akissut:

Siunissami Kalaallit Nunaanni kommunit arfinilinnagornissaannik, Tasiilap illoqarfia nunaqarfiilu eqqarsaatigalugit, aningaasartuutaajumaartussanik naatsorsuineq, misissueqqissaaqqaarnissamik pisariaqartitsivoq – taamaattumillu § 37 naapertorlugu akissuteqarnissap avataaniikkaluarluni.

Taamaattorli pingaarnertut katitigaanerisa sunniutigisassai pingasunngorlugit agguataarneqarsinnaapput.

Siullermik kommuninngortussap nutaap tunngaviusumik kommunalbestyrelsimut, aqutsisunut, qitiusumik allaffissornermut il.il. maannakkut inissisimaneranut sanilliullugit aningaasartuutissai arlaqassapput. Erseqqittumik aningaasartuutaajumaartussat annertussusissaat oqaatigineqarsinnaanngilaq kisiannili ilisimatitsissutigineqarsinnaavoq, Kommuni Qeqertalimmi ukioq 2018-imut missingersuutininik 90 mio. kr.-nik qitiusumik taakku anguniarnissaannut immikkoortitsinikuuvoq. Taamaattorli naatsorsuutigisariaqarpoq, Kommuneqarfik Sermersooq qitiusumik ingerlatitsinini annikitsuinnarmik taaneqartut sipaarutigissallugit piviusunngortissinnaavai.

Aappaattut, kommuningortussap nutaap, innuttaasunut tunngassuteqartunik sammivilinnut assigiinngitsunut atuarfeqarnikkut, utoqqarnik isumaginninnikkut, aqquserngit aputaajaanerit allanullu ingerlatsiinnartussaavoq. Suliassat taakku massakkumut inissisimanerannut sanilliullugu allannguuteqaratik ingerlatiinnarnissaat ilimagisariaqarpoq. Immikkoortortanilli ataasiakkaani, assersuutigalugu pisiassat eqqarsaatigalugit aningaasartuutit qaffasinnerulaassapput, kommuningortussap nutaap pisisinnaassusaata annertussusia Kommuneqarfik Sermersuumit sanilliullugu appasinnerummat.

Pingajuattut, Tasiilap nunaqarfiilu kisimik kommunitut nutaatut, Ittoqqortoormiit peqataatinnagu, tamatuma nassatarisinnaavaa, Kommuneqarfik Sermersuup Ittoqqortoormiuni suliassatigut isumaginninniarnernik akisunerulersinnaanera, taamatuttaarlu avaqqunneqarsinnaanngilaq, Kommuneqarfik Sermersuup annertuunik ingerlatsinerup iluaqutissartaasa assigiinngitsutigut, annermik niuerniarnermut immikkoortortaa innarlerneqassammat.

Apeqqutip aappaa. Kommuni namminersortunngussagaluarpat Tasiilami nunaqarfiinilu ineriartornermut iluaqutaassava?

Akissut:

Toqqammaviusut tunngavigalugit apeqqut tamanna akineqarsinnaanngilaq. Soorunalimi Tasiilami innuttaasunut kommunalbestyrelsimut qaninnerulernermik misigisimalernissaq annerusoq misigineqassaaq kisianni sullissinerup ajorseriarnissaa, allannguuteqannginnissaa imaluunniit pitsanngoriarnissaa, misissueqqissaartigani oqaatigineqarsinnaanngilaq – aamma taamatuttaaq apeqqutaassalluni, kommunalbestyrelsiulersussap qinigassatut toqqagassai apeqqutaassammata.

Inussiarnersumik Inuulluaqqusillunga



Vrtus Qujaukitsoq

Aatsitassanut, Suliffeqarnermut, Nunamut Namminermut
Nunanilu Avannarlerni Suleqatigiinnermut Naalakkersuisoq